




e-nysio

Croeso i drydydd rhifyn e-gylchlythyr nyrsio GIG Cymru. Nod ein cylchlythyr yw cynnwys pawb yn y broses o safoni a digideiddio dogfennaeth nyrsio.

Mae siwrnai ddigido ein dogfennau nyrsio yn parhau i symud ymlaen yn gyflym ac yn parhau i ganolbwyntio ar gadw ein cleifion wrth wraidd y cyfan a wnawn, yn ogystal â diwallu anghenion ein nyrsys, yn unol â'r hyn a amlinellir yn yr arolwg ymgysylltu â defnyddwyr, sydd wedi bwydo i mewn i'r datblygiad a'r dyluniad.

Bydd y rhaglen waith yn cael ei rhannu'n gamau; yn ystod Cam 1 Ebrill 2018 – Mawrth 2020 byddwn yn canolbwyntio ar y canlynol:



Mae'r datrysiad digidol wedi cael ei ddewis yn seiliedig ar argymhellion a dderbyniwyd gan arweinwyr technegol arbenigol ac adborth oddi wrth nyrsys ledled Cymru. Cynorthwyodd y wybodaeth fwrdd y prosiect i gymeradwyo datblygiad system ymgeisio nyrsio digidol bresennol oddi wrth Fwrdd Iechyd Prifysgol Abertawe Bro Morgannwg (Bwrdd Iechyd Prifysgol Bae Abertawe bellach).

Yn dilyn cyfnod peilot prawf cysyniad o'r **Asesiad Nyrsio Integredig Electronig (EINA)** yn 2016, ysgogodd yr adborth a gasglwyd i welliannau gael eu datblygu, a chynhaliwyd cyfnod peilot pellach gan Ward A, Ysbyty Castell-nedd Port Talbot, rhwng 23 Ebrill a 4 Mai 2018.

Cwblhawyd y cyfnod peilot gan ddeg aelod o dîm nyrsio Ward A, lle cwblhawyd 67 asesiad nyrsio integredig electronig. Profodd deilliannau'r cynllun peilot fod nifer o fanteision posibl i gleifion a sefydliadau, gan gynnwys llai o ddyblygu dogfennaeth, gwell llinellau amser dogfennaeth a neilltuo amser i ofalu. Dyma ychydig o'r adborth oddi wrth 9 aelod staff ac 14 claf a gyfrannodd at y cynllun peilot. Cyfrannodd yr adborth at y penderfyniad i symud datrysiad Bwrdd Iechyd Prifysgol Bae Abertawe ymlaen fel y datrysiad nyrsio digidol cenedlaethol.

Adborth Staff

Cytunodd 100% o ymatebwyr fod yr Asesiad Nyrsio Integredig Electronig yn:
Gwella diogelwch cleifion

Arbed amser

Eu galluogi nhw i storio gwybodaeth cleifion yn ddiogel

Eu galluogi nhw i weld y wybodaeth ddiweddaraf a fewnbynwyd

Hawdd i'w ddarllen ac yn edrych yn broffesiynol

Lleihau'r amser a dreulir yn casglu gwybodaeth at ddiben adrodd ac archwilio



Cytunodd 88% o ymatebwyr fod yr Asesiad Nyrsio Integredig Electronig yn eu galluogi nhw i gyd-drefnu gofal cleifion yn well.

Patient Feedback

Cytunodd 100% o gleifion a arolygwyd fod yr Asesiad Nyrsio Integredig Electronig yn "cael ei gwblhau bob amser mewn modd amserol"

Cytunodd 77% o gleifion a arolygwyd eu bod nhw'n **Debygol iawn** o gefnogi defnydd dyfais symudol ar wardiau ysbyty cleifion mewnol yn barhaus, tra nododd y 23% dros ben eu bod nhw'n **Debygol** o wneud hynny

Nyrsys yn gwirfoddoli ar gyfer sesiwn tynnu lluniau

Fel rhan o ddatblygiad offer cyfathrebu megis cylchlythyrau a phosteri, cymerodd nyrsys Canolfan Cancer Felindre ran mewn sesiwn tynnu lluniau'r mis diwethaf.

Darbwyllwyd gwirfoddolwyr nyrsio a therapïau i roi cynnig ar 'fodelu'. Bydd y lluniau'n cael eu defnyddio mewn deunydd cyfathrebu yn y dyfodol, er enghraifft cylchlythyrau, posterï a chyfryngau cymdeithasol. Diolch yn fawr i bawb am gymryd rhan'



Newyddion Tîm

Yn anffodus, mae'r prosiect ar fin colli dau aelod, sef Mark Townsend o Fwrdd Iechyd Prifysgol Cwm Taf Morgannwg a Rachel Robbins o Fwrdd Iechyd Prifysgol Betsi Cadwaladr. Hoffai'r tîm ddiolch i'r ddau am eu cyfraniadau sylweddol i'r rhaglen a dymuno pob llwyddiant iddynt yn y dyfodol. Apwyntiwyd Christian Smith, sydd wedi bod yn gweithio i Ymddiriedolaeth Felindre, yn Arweinydd Gwybodeg Nyrsio Clinigol Bwrdd Iechyd Prifysgol Cwm Taf Morgannwg. Ac apwyntiwyd Amy Mumford i gymryd lle Christian

Fran - un o nyrsys gorau'r DU

Mae Fran Beadle wedi ei chynnwys yn rhestr can nyrs gorau'r DU 2018 fel rhan o gystadleuaeth y gymuned nyrsio ar-lein, We Nurses.

Llongyfarchodd Jean White, Prif Swyddog Nyrsio Cymru, Fran ar ei llwyddiant, a dywedodd UKFCI (UK Faculty of Clinical Informatics) ei bod yn "ardderchog gweld Fran yn cael cydnabyddiaeth am ei holl gyflawniadau'r llynedd. Mae nyrsys yn elfen hollbwysig o'r teulu gwybodeg clinigol a gobeithiwn y bydd modelau rôl fel Fran yn parhau i arwain y ffordd."

Dywedodd Fran ei bod yn anrhydedd cael ei chynnwys ymysg cymaint o nyrsys ardderchog. "Mae'r llwyddiant hwn yn seiliedig ar gydweithio gyda nyrsys eraill ac rwy'n falch iawn ein bod ni'n gallu gwneud gwahaniaeth."



Cynnydd hyd yma

Cymeradwywyd y ddogfen asesu safonol ar gyfer Cleifion Mewnol Nyrsio Oedolion gan Gyfarwyddwyr Nyrsio Cymru Gyfan.

Cymeradwyodd Cyfarwyddwyr Nyrsio Cymry Gyfan ddefnydd yr asesiadau risg canlynol yn seiliedig ar argymhellion grwpiau arbenigedd Cymru gyfan

- Asesiad risg croen *Purpose T*
- Asesiad Cwmpiaidau Aml-ffactorol
- Asesiad risg maethol WASSP
- Asesiad risg hunanreolaeth
- Asesiad trin cleifion
- Asesiad poen

Bydd pob dogfen yn cael ei pheilota er mwyn gweld sut bydd yr offer a argymhellir yn cael eu mabwysiadu ledled Cymru yn y dyfodol yn seiliedig ar adborth defnyddwyr.

Dewiswyd y wardiau canlynol ar draws y saith bwrdd iechyd, ac Ymddiriedolaeth Felindre

Bwrdd Iechyd Aneurin Bevan	Ysbyty Brenhinol Gwent	C5 Gorllewin
Bwrdd Iechyd Prifysgol Bae Abertawe	Ysbyty Castell-nedd Port Talbot	Ward A
Bwrdd Iechyd Prifysgol Betsi Cadwaladr	Ysbyty Maelor Wrecsam	Bonney
Bwrdd Iechyd Prifysgol Caerdydd a'r Fro	Ysbyty Prifysgol Cymru	A1 Link Acute
Bwrdd Iechyd Prifysgol Cwm Taf Morgannwg	Ysbyty Cwm Cynon	Ward 1
Bwrdd Iechyd Prifysgol Hywel Dda	Ysbyty Llwyn Helyg	Ward 11
Bwrdd Iechyd Addysgu Powys	Ysbyty Coffa Rhyfel Aberhonddu	Y Bannau
Ymddiriedolaeth Felindre	Ysbyty Felindre	

Sylwch y bydd rhai o'r asesiadau risg yn newydd i'ch Bwrdd / Ymddiriedolaeth Iechyd ac, o ganlyniad, mae'r grwpiau arbenigedd wrthi'n datblygu deunydd addysgu i gefnogi staff nyrsio wrth iddynt drosglwyddo i ddefnyddio'r offer asesu risg newydd.

Oherwydd rheoliadau dyfeisiau meddygol Ewropeaidd, nid yw arwyddion hanfodol yn rhan o'r cyfnod cyntaf bellach. Fodd bynnag, bydd y gwaith yn parhau i ddiffinio safonau.

Mae gwaith yn parhau i safoni diffiniadau data a safonau gwybodaeth er mwyn mabwysiadu iaith a therminoleg gyffredin ar gyfer dogfennau nyrsio ledled Cymru. Mae'r rhaglen yn parhau i gysylltu â gofal sylfaenol, cymunedol, pediatreg, gofal brys, iechyd meddwl a thimau gofal aciwt, er mwyn bwydo i mewn i'r safonau terminoleg.

Mae ystod o ddyfeisiau symudol wrthi'n cael eu prynu ar gyfer y wardiau peilot er mwyn hwyluso asesiadau erchwyn gwely, gyda'r bwriad o nodi ac adnabod y dyfeisiau gorau at ddibenion nyrsys ac aelodau eraill timau amlddisgyblaethol.

Cynhaliwyd gweithdy i sefydlu galluoedd adrodd er mwyn cwrdd ag anghenion archwilio a gofynion adrodd.

Bydd dogfennau e-nyrsio'n cael eu hintegreiddio o fewn Gwasanaeth Cofnodion Gofal Cymru, sef y storfa dogfennau genedlaethol sy'n sicrhau bod dogfennau ar gael ar Borth Clinigol Cymru a bod defnyddwyr ledled Cymru'n gallu gweld y dogfennau, waeth beth yw lleoliad y claf.

Bydd y set nesaf o ddogfennau nyrsio i'w safoni a'u digido yn cael eu penderfynu fel rhan o'r ail gyfnod ym mis Mawrth 2020.

Bydd cydweithredu rhwng arweinwyr byrddau / ymddiriedolaethau iechyd a chydweithwyr gwybodeg ar weithredu'r dogfennau e-nyrsio blaenoriaethol ledled Cymru yn cael ei symud ymlaen o fis Rhagfyr 2019 ac i mewn i 2020.



Newyddion gan Arweinwyr Clinigol Lleol



Jane Brady: Bwrdd Iechyd Prifysgol Betsi Cadwaladr

Ym Mwrdd Iechyd Prifysgol Betsi Cadwaladr, mae nyrsys arbenigol ym maes hyfywedd meinwe, hunanreolaeth, maetheg, trin â llaw a chwympiadau yn edrych ar anghenion hyfforddi er mwyn cyflwyno asesiadau risg newydd ar draws y bwrdd iechyd. Dros y misoedd nesaf, bydd Jane Brady yn ymweld â staff ar draws BIPBC i arddangos y system ddigidol, er mwyn ei dangos i chi ac i roi cyfle i chi ddefnyddio'r system er mwyn llywio'r datblygiad.

Cyn y cyfnod peilot ym mis Medi, bydd Jane yn cynnal sesiynau profi'r system ddigidol ar draws tri safle'r bwrdd iechyd. Os hoffech chi gymryd rhan yn y profion a bod yn rhan o'r prosiect cyffrous hwn, cysylltwch â Jane trwy anfon neges e-bost at jane.brady@wales.nhs.uk



Lynda Jenkins: Bwrdd Iechyd Prifysgol Caerdydd a'r Fro

Dros y misoedd nesaf, bydd BIPCF yn canolbwyntio ar baratoi ar gyfer y cyfnod peilot a pharatoi'r gweithlu a'r cleifion ar gyfer lansio cyfnod cyntaf dogfennau nyrsio Cymru gyfan yn eu ffurf ddigidol.

Bydd cyfle i bob aelod staff sy'n darparu neu sy'n cynorthwyo gyda darpariaeth gofal cleifion ar ward y peilot i gyfrannu at gynlluniau terfynol y cyfnod peilot. Rydym yn edrych ymlaen at dderbyn y dyfeisiau symudol sydd wedi eu prynu ar gyfer hwyluso'r cynllun peilot. Byddwn yn edrych am "ddefnyddwyr arbennig" o wardiau ac adrannau i ddarparu cymorth ymarferol pan fyddwn yn cyflwyno'r dogfennau digidol mewn wardiau ac adrannau eraill.

Rydym wedi dechrau hyfforddi ar yr asesiadau risg craidd newydd. Byddwn yn rhannu mwy o wybodaeth am gyfleoedd hyfforddi trwy arweinwyr byrddau clinigol yn ystod yr wythnosau i ddod.

Mae'r Tîm Profiad Cleifion wedi gwirfoddoli i weinyddu holiadur er mwyn casglu safbwyntiau cleifion ar staff yn defnyddio dyfeisiau symudol i gofnodi peth o'u gwybodaeth. Bydd yr adborth yn cael ei ddefnyddio i reoli eu disgwyliadau yn ogystal ag ateb unrhyw ymholiadau neu bryderon sydd gan gleifion mewn paratoad ar gyfer y peilot. Yn ogystal, byddwn yn gofyn am eu hadborth ar ôl y peilot, er mwyn helpu i lunio negeseuon allweddol ar gyfer hyfforddi staff mewn paratoad ar gyfer cyflwyno'r dogfennau nyrsio digidol yn y dyfodol.

Y neges allweddol yw ein bod yn ceisio gweithredu mewn ffordd wahanol a dyma ddechrau ar siwrne hir a chyffrous. Os oes gennych unrhyw ymholiadau neu os hoffech gyfrannu mewn unrhyw ffordd, cysylltwch â Lynda.jenkins2@wales.nhs.uk neu est. 25440



Christian Smith: Bwrdd Iechyd Prifysgol Cwm Taf Morgannwg

Mae ein bwrdd iechyd yn sefydliad newydd ei ffurfio ar ôl i Fwrdd Iechyd Prifysgol Cwm Taf uno ag Ysbyty Tywysoges Cymru a Phen-y-bont ar Ogwr. Mae'r uno wedi arwain at nifer o gyfleoedd gwahanol a chyffrous i drafod ein map ffordd digidol a gwybodeg ar gyfer y dyfodol. Gwthio ein dyheadau gwybodeg clinigol ymlaen er budd gofal cleifion. Rydym yn archwilio nifer o raglenni gwaith yn glinigol, gan gynnwys system wybodeg newydd yr Adran Achosion Brys, system cofnodion iechyd plant a'n cynllun e-ddogfennaeth a digideiddio cofnodion cleifion.

Mae'r gwaith yn heriol ond mae ein hymrwymiad i sicrhau gofal mwy diogel i gleifion a gwneud gwybodaeth yn haws i gael mynediad ati i staff yn golygu ein bod wedi gwneud cynnydd mewn perthynas â nifer o faterion sydd wedi arwain at fuddion uniongyrchol. Rydym wedi cyflwyno sgriniau electronig mewn nifer o ardaloedd clinigol ac mae nifer cynyddol o staff yn ymgysylltu â'n rhaglenni TGCh. O ran e-ddogfennaeth nyrsio, rydym yn edrych i hyrwyddo'r ddogfennaeth safonol yn gyntaf cyn symud tuag at y systemau digidol ar ôl i'n staff ddod i arfer â'r system bapur yn y lle cyntaf.

Os oes gennych chi unrhyw syniadau neu awgrymiadau a fydd yn cynorthwyo trawsnewidiad y bwrdd iechyd, anfonwch neges e-bost at Christian.Smith2@wales.nhs.uk er mwyn rhannu eich adborth.



Judith Bowen: Bwrdd Iechyd Prifysgol Hywel Dda

Cyflwynwyd y cyfleoedd amrywiol a gynigir gan dechnoleg ddigidol i dros 200 o ddirprwyon yng Nghynhadledd Nyrsio ddiweddar Bwrdd Iechyd Prifysgol Hywel Dda. Roedd y gynhadledd yn cynnwys rhagolwg o Gofnod E-nyrsio Cymru Gyfan a gweithdy gyda nifer llai o ddirprwyon a wahoddwyd i ddefnyddio ap i amlygu eu holl bryderon am weithio'n ddigidol. Crëwyd y cwmwl geiriau canlynol yn seiliedig ar yr ymatebion:

Rhestrwch dri gair sy'n disgrifio'ch prif bryderon / rhwystrau pan fyddwch yn meddwl am ddefnyddio dogfennaeth nyrsio digidol:

cyfrinachedd cleifion cyfeillgar i ddefnyddwyr cyfrineiriau
TG araf cysylltu â'r prif weinydd cyfrinachedd hyder
rhwydweithio cyllid systemau TG
cysondeb cyfrinachedd problemau llwytho
diffyg buddsoddiad rhannu gwybodaeth gwrthwynebiad i newid
sgiliau teipio mynediad diogelwch seibr gwrthiant
rhwydwaith
diogelwch TG chwalfa cysylltiad offer yn methu
ofn camgymeriadau caledwedd gwahanol
addysg rheoli amser ofn o'r anhysbys signal heriol
cyfrinachedd cytundeb diogelwch
diddorol technoleg cost gwahanol rhwydwaith araf
rhwydweithio nerfusrwydd Cysylltu cysondeb amser segur caniatâd

Cysylltu, cyfeillgar i ddefnyddwyr, araf, cysylltu â'r prif weinydd, rhwydwaith, rhwydweithio, cyfrinachedd, diogelwch TG, gwrthiant, diffyg buddsoddiad, rhannu gwybodaeth, offer yn methu, hyder, sgiliau teipio, mynediad, diogelwch seibr, heriol, ofn, chwalfa, cysylltiad, addysg, camgymeriadau, cysylltu â'r signal, cymuned, cysondeb, gwrthwynebiad i newid, rheoli amser, ofn o'r anhysbys, signal, cyfrinachedd, cytundeb, cyllid, diogelwch, diddorol, technoleg, rhwydweithio, gwahanol, rhwydwaith araf, hyder, cost, nerfusrwydd, darpariaeth, anwybodaeth, amser segur, caniatâd, cyfrineiriau, problemau llwytho, chwalfa, systemau TG, a fydd yn hawdd, cyfrinachedd, cyfrinachedd cleifion, caledwedd.

Yn galonogol, ar ôl dysgu mwy am ddatblygiadau dogfennaeth e-nyrsio Cymru gyfan, a'r nodweddion rheoli a diogelwch a fydd yn rhan annatod o'r systemau, llwyddwyd i ddarbwylllo'r dirprwyon o'r cyfleoedd a'r manteision niferus a fydd yn dod yn sgil y cofnodion nyrsio digidol, i nyrsys ac i gleifion. Mae'r rhain yn cynnwys gwell cyfrinachedd a gwybodaeth cleifion amlycach, yn enwedig i gleifion sy'n cael eu trosglwyddo o ofal sylfaenol i ofal eilaidd.

Uned strôc aciwt a ward adfer yw maes pilot dogfennaeth e-nyrsio Cymru gyfan Bwrdd Iechyd Prifysgol Hywel Dda, ac mae'r tîm yn llawn cyffro ac yn edrych ymlaen at ddatblygu sgiliau newydd ac arwain y ffordd tuag at ffyrdd gweithio mwy deallus.

Os hoffech chi gael mwy o wybodaeth, cysylltwch â: Judith.C.Bowen@wales.nhs.uk



Helen Dinham: Bwrdd Iechyd Prifysgol Aneurin Bevan

Yn dilyn ymgysylltu ag amrywiaeth o weithwyr iechyd proffesiynol ar draws BIPAB, mae Bwrdd Prosiect cynllun dogfennaeth e-nyrsio wedi cymeradwyo'r asesiadau risg canlynol: asesiadau cleifion mewnol oedolion, maetheg, trin cleifion, hunanreolaeth a hyfywedd meinwe.

Gyda ffocws ar gefnogi gweithredu'r asesiadau risg yn llwyddiannus, bydd y misoedd nesaf yn sicrhau cyfleoedd cyffrous ar gyfer hyfforddi a phrofi'r e-ddogfen. Trwy sioeau teithio, sesiynau addysgu, cyfryngau cymdeithasol a'r rhyngrwyd, bydd Helen Dinham a'i thîm yn annog cleifion, rhanddeiliaid a staff i adolygu'r e-ddogfen ac i ddarparu adborth ar ei ddefnyddioldeb. Croesawir pob adborth gan ei fod yn hanfodol o ran sicrhau bod y ddogfen yn addas i'r pwrpas.

Cynhelir y cynllun peilot ar 29 Medi 2019 ar Ward C5, Ysbyty Brenhinol Gwent. Os hoffech chi gyfrannu at y cynllun peilot hwn, cysylltwch â: helen.dinham@wales.nhs.uk



Paul Rees: Bwrdd Iechyd Prifysgol Bae Abertawe

Mae bwrdd prosiect cynllun dogfennaeth e-nyrsio Bwrdd Iechyd Prifysgol Bae Abertawe wedi cymeradwyo'r asesiadau risg cenedlaethol ac mae'r gwaith yn mynd rhagddo i amlygu'r anghenion hyfforddi er mwyn cefnogi'r trawsnewid at yr asesiadau newydd ar draws y bwrdd iechyd.

Dros y misoedd nesaf, byddwn yn canolbwyntio ar hyfforddi a phrofi'r dogfennau e-nyrsio ar y wardiau peilot, er y byddwn hefyd yn sicrhau ein bod yn hysbysu aelodau staff eraill o'r cynnydd trwy sioeau symudol, sesiynau addysgu, cyfryngau cymdeithasol a'r rhyngwrdd. Bydd Paul Rees a'r tîm nyrsio a gwybodeg yn adolygu'r dogfennau electronig gyda chleifion, rhanddeiliaid a staff i sicrhau eu bod nhw'n diwallu anghenion pawb sy'n rhan o'r broses.

Os hoffech chi gyfrannu at y cynllun peilot hwn, cysylltwch â paul.rees3@nhs.wales.uk



Emma McGowan: Bwrdd Iechyd Addysgu Powys

Ym Mhowys, mae'r siwrnai at drawsnewid i weithio'n ddigidol yn datblygu'n dda ac mae'r penderfyniad wedi cael ei wneud i beilotar dogfennau papur newydd cyn cyflwyno'r dogfennau digidol. Ochr yn ochr â'r cynllun peilot papur, mae'n bleser eich hysbysu o'r canlynol:

Mae ein dyfeisiau symudol wedi cyrraedd ac maen nhw'n cael eu cyflunio ar hyn o bryd er mwyn cael eu defnyddio ar y ward peilot. Mae holl wardiau ysbytai cymunedol Powys yn archwilio'u cysylltiadau diwifr ar hyn o bryd er mwyn adnabod mannau gwan a'u hadfer cyn cyflwyno'r dogfennau digidol cyn diwedd y flwyddyn.

Yn ogystal, mae'r Bwrdd Iechyd yn bwriadu sicrhau bod pob nyrs yn gallu cael mynediad at Borth Clinigol Cymru. Mae'r hyfforddiant yn parhau i staff nyrsio sy'n gweithio ym mhob maes cleifion mewnol oedolion, er mwyn sicrhau eu bod nhw'n gallu derbyn a rhyddhau cleifion gan ddefnyddio System Gweinyddu Cleifion Cymru i gefnogi dogfennaeth nyrsio, a sicrhau bod hi'n bosibl derbyn pob claf a bod nyrsys yn gallu cwblhau eu dogfennaeth.

Os hoffech chi gael mwy o wybodaeth am yr uchod, cysylltwch ag: Emma.McGowan@wales.nhs.uk



Amy Mumford: Velindre University NHS Trust

Fel bwrdd iechyd, rydym yn parhau i baratoi ar gyfer cyfnod peilot y rhaglen e-ddogfennaeth nyrsio yn hwyrach eleni. Ar hyn o bryd, mae'r timau nyrsio sydd wedi bod yn rhan o'r ymgynghoriad trwy gydol y broses, yn cael eu cyflwyno, eu hyfforddi a'u diweddarau ar y ddogfen derfynol a'r asesiadau risg newydd a fydd yn cael eu cyflwyno i ddisodli'r rhai presennol. Bydd yr asesiadau risg yn cael eu cyflwyno fesul un, gyda bwlch o bythefnos, cyn i'r ddogfen bapur gael eu lansio'n gyfan gwbl.

Rydym wrthi'n recordio cyflwyniadau, er mwyn eu hychwanegu at 'dudalen hyfforddi' y bydd modd i staff gyfeirio ati yn ôl y galw, er mwyn diweddarau neu gadarnhau eu dysgu.

Yn y cyfamser, byddwn yn sefydlu'r dechnoleg er mwyn ein galluogi ni i gynnal sesiynau blasu i staff cyn cynnal y cyfnod peilot i sicrhau eu bod nhw'n cyfarwyddo â'r caledwedd. Byddwn yn nodi, hyfforddi ac amserlennu unigolion allweddol yn ystod y broses hon i sicrhau bod modd cynnal y gwasanaeth trwy gydol y cynllun peilot.

I sicrhau bod ein cleifion yn cyfrannu at y cynllun peilot, rydym wedi bod yn gweithio gyda'n Tîm Profiad Cleifion i ddatblygu mecanwaith adborth cleifion er mwyn deall eu safbwyntiau ar ddigideiddio.

Mae tîm Felindre yn llawn cyffro o ran cymryd cam yn agosach at greu safon dogfennaeth nyrsio cenedlaethol i gefnogi trosglwyddiadau cleifion trwy leoliadau gofal.

Os hoffech chi gael mwy o wybodaeth am yr uchod, cysylltwch ag: Amy.Mumford@wales.nhs.uk